

駱

臨

海

集

駱臨海集卷第三

唐駱賓王著

同里後學陳熙晉



松林後裔祖攀校訂

浮查

并序

游目川上覩一浮查汎汎然若木偶之乘流迷不知其所

適也

觀一作觀。楚辭離騷經忽反顧以游目兮將往觀乎四荒詩柳風汎汎彼柏舟亦汎其流箋云舟載渡物

者今不用而與眾物汎汎然俱流水中廣雅釋言汎汎浮也史記孟嘗君列傳孟嘗君將入秦蘇代謂曰今旦代從外來見木偶人與土偶人相與語木偶人曰天雨子將敗矣土偶人曰我生於土敗則歸土今天雨流子而行未知所止息也今秦虎狼之國也而君欲往如有不得還君得無爲土偶人所笑乎孟嘗君乃止鵬冠子世兵第十二驪

用市人乘流以逝賈誼鵬鳥賦乘流則逝兮得坻則止觀其根抵盤屈枝幹扶疏大

則有棟梁舟楫之材小則有輪轅榱桷之用韓非子解老篇樹木有曼

根有直根根也者書之所謂抵也抵也者木之所以建生

也德也者人之所以建生也祿也者人之所以持生也今

建於理者其持祿也久故曰深其根體其道者其生日長

故曰固其抵抵固則生長根深則視久故曰深其根固其

抵長生久視之道也左思吳都賦輪囷蚪蟠劉逵注蚪蟠

謂樹如龍蛇之盤屈相糾也廣雅釋詁蚪蟠曲也蟠曲與

盤屈同說文六篇枝木別生條也廣雅釋詁幹本也說文

六篇扶疏四布也扶多作扶通作扶蘇亦作扶胥世說言

語篇劉峻注孫綽道壹贊曰枝幹扶疏淮南子主術訓賢

主之用人也猶巧工之制木也大者以為舟楫柱梁小者

以為楫楔修者以為欄榱短者以為朱儒枅櫨爾雅釋宮

棟謂之桴郭璞注屋櫨邢昺疏今屋脊也又宋廂謂之梁

段玉裁曰宋之言罔也廂者中庭也架兩大梁而後可定

中庭也說文十四篇有輻曰輪無輻曰輶輶輶也又六篇

懷榱也榱榱非夫稟乾坤之秀氣含宇宙之淳精孰能負

凌雲概日之姿抱積雪封霜之骨

魏文帝與鍾繇書至於芳菊紛然獨榮非夫含

乾坤之純和體芬芳之淑氣孰能如此禮禮運故人者其天地之德陰陽之交鬼神之會五行之秀氣也呂氏春秋八覽下賢篇精充天地而不竭神覆宇宙而無望高誘注四方上下曰宇以屋喻天地也往古來今日宙子華子孔子贈篇宇者情相接也由者理相通也傳咸琉璃卮賦有金商之瑋寶鼎乾剛之停精徐陵玉臺新詠序凌雲概日由余之所未窺千門萬戶張華之所曾賦李延壽南史齊高帝諸子傳江夏王鋒著修柏賦以見志曰衝風不能摧其枝積雪不能改其性陸機擬蘭若向使懷材幽藪藏穎生朝渴詩嘉樹生朝陽凝霜封其條

重巖絕望於廊廟之榮遺形於斤斧之患固可垂蔭萬畝

懸映九霄與建木較其短長將大椿齊其年壽者

魏志方技傳今

明使君方垂神幽藪畱精九皋應貞臨舟賦激重巖之絕根拂崇邱之飛翳史記張釋之馮唐列傳二君之所稱誦可著廊廟後漢書申屠剛傳廊廟之計既不預定章懷太子注廊殿下屋也廟太廟也國事必先謀於廊廟之所也

藝文類聚人部袁淑真隱傳曰子不見嵩岱之松柏華霍
之檀桐乎上枝干於青雲下根通於三泉千秋萬歲不受
斤斧之患此木豈與天地有骨肉哉蓋所居然也左思吳
都賦擢本千尋垂蔭萬畝習鑿齒諸葛武侯宅銘傾巖搜
寶高羅九霄張淵觀象賦陟秀峯以遐眺望靈象於九霄
自注九霄九天也山海經海內經有木青葉紫莖子華黃
實名曰建木百仞無枝有九櫨下有九枸其實如麻其葉
如芒太皞爰過黃帝所爲莊子內篇逍遙遊上古有大椿
者以八千歲爲秋而委根險岸託質畏途上爲疾風衝飈所
春八千歲爲秋

摧殘下爲奔浪迅波所激射基繇壤括勢以地危

劉逖秋朝野望

詩駐車憑險岸飛蓋歷平湖畏途見贈高四篇韓非子亡
微篇木之折之也必通蠹牆之壞之也必通隙然木雖蠹
無疾風不折牆雖隙無大雨不壞楚辭九歌少司命衝飈
起兮水揚波張衡西京賦梗林爲之靡拉撲叢爲之摧殘
木華海賦驚浪雷奔駭水逆集傅毅七激聽迅波望層崖
謝惠連祭古冢文聚壤成基崔琦七蠲爰有梧桐生於乎
谿傳根朽壤豈虛衰之理繫乎時封殖之道存乎我一墜
託險主危

泉谷萬里飄淪與波浮沈隨時逝止

繁欽雜詩世俗有險易時運有盛衰左傳

昭公元年武子曰宿敢不封殖此樹宋書武帝紀義熙元年詔曰若墜淵谷未足斯譬庾闡浮槎賦吹雲霧而出洞穴灌炎石而過沃焦江河不俄晷萬里不一朝楚辭卜居與波上下又漁父何不涸其泥而揚其波王逸注與沈浮也陸機文賦雖逝止之無常固崎

鉤而難便李善注逝止猶去畱也雖殷仲文嘆生意已盡孔宣父知朽質難彫然而際良工逢仙客牛礪可託玉璫之路非遙匠石先談萬乘之器何遠故材用與不用時也

悲夫

殷仲文事見在獄詠蟬篇新書禮樂志貞觀十一年詔尊孔子為宣父作廟於兗州給戶二十以奉之牛

礪用乘查至漢見牽牛渚次事詳贈高四篇樂史太平寰宇記關中道雍州長安縣釣璜浦黑龍津皆渭水之岸也浦即太公釣玉璜之所詳後應諸文匠石司馬彪曰石字伯夔匠石萬乘器俱見帝京篇魏志陳思王植傳植復上疏陳審舉之義曰五帝之世非皆智三季之末非皆愚用與不用知與不知也然則萬物之相應

感者亦奚必同聲同氣而已哉感而賦詩貽諸同疾云爾

疾一作志。○黃石公素書安
禮篇同聲相應同氣相感

首負千尋質高臨九仞峯

陶潛讀山海經詩逍遙蕪皋上
杳然望博木洪柯百萬尋森散

覆陽谷書旅獒爲山九仞功虧一簣唐太宗述聖賦序巨
樹千尋結輕烟而聳翠危峯萬仞照落景而開紅說文三
篇尋度人之兩臂爲尋八尺也八篇仞伸臂一尋八尺又
周制寸尺咫尋常仞諸度量皆以人之體爲法段氏玉裁
曰諸家之說仞也王肅趙岐王逸曹操李奎顏師古房元
齡鮑彪諸人並曰八尺而鄭周禮儀禮注包咸論語注高
誘注呂氏春秋王逸注大招招魂李謐明堂制度論郭璞
注司馬相如陸德明莊子釋文則皆謂七尺近歛程氏瑤
田通藝錄有說曰言七尺者是也揚雄方言曰度廣曰尋
杜預左傳仞溝洫注度深曰仞二書皆言人伸兩手以度
物之名而尋爲八尺仞必七尺者何也同一伸手度物而
廣深用之其勢自不得不異人長八尺伸兩手亦八尺用
以度廣其勢全伸而不屈而用之以度深則必上下其左
右手而側其身焉身側則胸與所度之物不能相摩於是

兩手不能全伸而成弧之形弧而求其弦以爲刃必不能
入尺故七尺曰刃亦其勢然也說文測下云深所至也玉
篇云度深曰測測之爲言側也余說與之合矣玉裁謂程
說甚精勿說可定矣考工記廣二尋深二仞謂之澮倘其
度同八尺何不皆曰二尋如上文廣二尺深二尺之例也
許書於尺下旣尋勿兼舉尋者八尺也見寸部則仞下必
當云七尺今本乃淺人所竄易耳程氏又曰小貞心凌晚
爾雅云四尺應邵曰五尺六寸此其謬易見也貞心凌晚
桂勁節掩寒松范雲詠寒松凌風知勁節負雪見貞心楚辭九章遠遊麗桂樹之冬榮蔡邕荊州刺史庾侯碑明潔鮮於忽值風飆折坐爲波浪衝吳子論將白珪貞操厲乎寒松至庾信周大將軍襄城公鄭偉摧殘空有恨擁腫遂無庸慕誌銘島嶼憑陵波浪衝激莊子內篇逍遙遊惠子謂莊子曰吾有大樹人謂之樗其
大本擁腫而不中繩墨其小枝卷曲而不中規矩立之塗
匠石不顧今子之言大而無用衆所同去也詩王風我生之初尚無庸傳庸用也渤海三千里泥
沙幾萬重列子湯問篇渤海不知幾億萬里有大壑焉名曰歸墟郭璞江賦或泛激於潮波或混淪乎泥

沙似舟飄不定如梗泛何從

詩小雅汎汎楊舟鄭氏箋云楊木之舟浮於水上汎汎然

東西無所定莊子雜篇列御寇汎若不繫之舟虛而遨遊者也戰國策趙策蘇秦說李兌曰今日臣之來也暮後郭門藉席無所得寄宿人田中傍有大叢夜半土梗與木梗鬪曰汝不知我我者乃土也使逢疾風淋雨壞沮乃復歸土今汝非木之根則木之枝耳汝逢疾風淋雨漂入漳河東流至海汜濫無所止案齊策蘇代止孟嘗君事作土偶與桃梗仙客終難託良工豈易逢徒懷萬乘器誰爲一先容

賦得白雲抱幽石

謝靈運過始寧墅詩白雲抱幽石綠篠媚清漣

重巖抱危石幽澗曳輕雲

應貞臨舟賦激重巖之絕根陸敬巫山高詩白雲抱危石乎猿

挂迴條墨子明鬼篇雖有深谿博林幽澗無人之所施行不可以不董見有鬼神視之郭璞江賦幽澗積咀謝靈運

會吟行輕繞鎖仙衣動飄蓮羽蓋分

案鎖字難通隋孔範賦得白雲抱幽石詩

雲暖松杞帶蓮縈錦色拂鏡下仙衣梁蕭推賦得翠石應令詩依峯形似鏡構嶺勢如蓮疑本鏡字錯作鎖蓋用白鏡石蓮之

典仙衣羽蓋則指雲也王嘉拾遺記周靈王時異方貢玉人石鏡此石色白如月照面如雪謂之月鏡班固武帝內傳上元夫人服青霜之袍雲彩亂色非錦非繡不可名字歐陽詢藝文類聚地部遊名山志曰芙蓉有聳石頭如初生芙蓉色皆青白羽蓋用雲如車蓋意楚辭九歌湘夫人築室兮水中葺之兮以荷蓋以蓮蓋形羽蓋故曰分也

錦色連花靜苔光帶葉薰

錦色苔光言石花葉用崔豹古今注五色雲氣金枝玉葉有華

葩之象也陰鏗詠石詩雲

詎知吳會影長抱穀城文魏文帝雜

移蓮勢動苔駁錦文疎

詎知吳會影長抱穀城文

魏文帝雜

詩西北有浮雲亭亭如車蓋惜哉時不遇適與飄風會吹我東南行行行至吳會吳會非我鄉安能久畱滯顧炎武日知錄宋施宿會稽志曰按三國志吳郡會稽爲吳會二郡前輩讀爲都會之會殆未是錢康功曰今平江府署之南名吳會坊漢書吳王濞傳上患吳會輕悍按今本史記漢書並作上患吳會稽不知順帝時始分二郡漢初安得言吳會稽當是錢所見本未誤後人妄增之魏文帝詩行行至吳會陳思王求自試表撫劍東顧而心已馳於吳會矣晉文王與孫皓書曰惠矜吳會施及中土左思魏都賦曰覽麥秀與黍離可作謠於吳會此不得以爲會稽之會

也蓋漢初原有此名如曰吳都云爾胡三省通鑑辨誤太史公謂吳爲江南一都會故後人謂吳爲吳會按此詩以吳會下對穀城讀如都會之會乃合史記畱侯世家畱侯張良者其先韓人也嘗閒從容步游下邳圯上有一老父衣褐至良所直墮其履圯下顧謂良曰孺子下取履良爲其老彊忍下取履父曰履我良業爲取履因長跪履之父以足受笑而去父去里所復還曰孺子可教矣後五日平明與我會此五日平明良往父已先在怒曰與老人期後何也去曰後五日早會五日雞鳴良往父又先在復怒曰後何也去曰後五日復早來五日良夜未半往有頃父亦來喜曰當如是出一編書曰讀此則爲王者師矣後十年興十三年孺子見我濟北穀城山下黃石卽我矣旦日視其書乃太公兵法也後十三年從高帝過濟北果見穀城山下黃石取而葆祠之畱侯死并葬黃石冢每上冢伏臘祠黃石張守節正義括地志云穀城山一名黃山在濟州東阿縣東濟州故濟北郡孔文祥云黃石公鬚眉皆白狀杖丹藜履赤舄

賦得春雲處處生

謝朓望海詩往往孤山映處處春雲生蔡凝賦得處處春雲生詩春

色暹空明春
雲處處生

千里年光靜四望春雲生

梁元帝別荊州吏民詩年暫日光徧原隰春色滿汀洲

祥光舉疎雲瑞葉輕

暫一作塹○任昉宣德皇后令豐功無得而稱是以祥光總至休氣四塞

瑞葉即用金枝玉葉事

蓋陰籠迴樹陣影抱危城非將吳會遠飄蕩

帝鄉情

藝文類聚天部易通卦驗曰穀雨太陽雲出張如車蓋劉峻廣絕交論鶴蓋成陰爾雅釋詁迴遠也

唐太宗同賦合峯雲詩橫天結陣影逐吹起羅文張正見賦得韓信詩沈沙擁急水拔幟上危城徐勉報伏挺書白

雲飄蕩依依何極

和王記室從趙王春日遊陁山寺

舊唐職官志王府官屬記室參軍事

二人從六品上記室掌表啓書疏又太宗諸子傳趙

王福太宗第十三子也貞觀十三年受封出後隱太

子建咸亨元年

薨贈司空并州都督陪葬昭陵唐釋元應善見律

音義寺梵言鼻訶羅此云遊諸僧遊履處也舊來以寺代之寺者司也公舍也有法度也釋名云寺嗣也治事者相嗣續於其內也

鳥旗陪訪道驚嶺狎棲真

狎一作洽。百官載旗鄭康成注百官卿大夫也

載旗者以其屬衛王也賈公彥疏以其天地四時之卿大夫其屬各六十有選當行衛守王者卽是有衆故載鳥隼之旗考工記斬人鳥旗七旂以象鷄人也爾雅釋天錯革鳥曰旗郭璞注此謂合剝鳥皮毛置之竿頭卽禮記云載鴻及鳴鳶邢昺疏錯置也革急也畫急疾之鳥於繆也按隋書禮儀志引郭注合剝作全剝庾信周五聲調曲有熊爲政訪道於容成酈道元水經注河水五山周圍狀若城郭卽是萍沙王舊城也東南上十五里到耆闍崛山未至頂三里有石窟南向佛坐禪處西北四十步復有一石窟阿難坐禪處天魔波旬化作雕鷲恐阿難佛以神力隔石舒手摩阿難肩怖卽得止鳥迹手孔悉存故曰雕鷲窟也其山峯秀端嚴是五山之最高也釋氏西域記云耆闍崛山在阿耨達王舍城東北西望其山有兩峯雙立相去二三里中道驚鳥常居其嶺土人號曰耆闍崛山胡語

者聞鷺也又竺法維云耆闍崛山是青石石頭似鷺鳥
阿育王使人鑿石假安兩翼兩腳鑿治其身今見存遠望
似鷺鳥形故曰靈鷺山也數說不同遠邇亦異今以法顯
親宿其山誦首楞嚴香華供養聞見之宗也唐釋元應妙
法蓮華經音義耆闍崛山或言伊沙崛山或言揭梨馱羅
鳩胝山皆訛也正言姑栗陀羅矩吒山此譯云鷺臺又云
鷺峯言此山既棲鷺鳥又類高臺也舊譯云鷺頭或云靈
鷺者一義也又言靈者仙靈也案梵本無靈義依別記云
此鳥有靈知人死活人欲死時則羣翔彼家待其送林則
飛下而食以能懸知故號靈鷺也陶宏景真誥宗道者貴
無邪棲真四禪明靜業三空廣勝因第一迦葉菩薩白佛
者安恬愉四禪明靜業三空廣勝因第一迦葉菩薩白佛
言世尊彼第四禪以何因緣風不能吹水不能漂火不能
燒佛告迦葉善男子初禪過患內有覺觀外有火災二禪
過患內有歡喜外有水災三禪過患內有喘息外有風災
善男子彼第四禪內外過患一切俱無是故諸災不能及
之又斷初禪有得種種三昧能斷大梵王有得雙三昧能
斷二禪有得雷音三昧能斷三禪有得淫雨三昧能斷四
禪有得如虛空三昧沈約鍾山詩八解鳴澗流四禪隱巖
曲李善注大品經曰初禪二禪三禪四禪唐高祖禁行刑

屠殺詔釋典微妙淨業始於慈悲道教冲虛至德去其殘
殺般若波羅蜜經序品第一法假虛實觀受假虛實觀名
假虛實觀三空觀門四締十二緣無量功德皆成就江總
鐘銘長如五淨永證三空李延壽南史循吏傳郭祖深與
觀詣闕上封事曰陛下比來慕法普天信向家家齋戒人
人懺禮不務農桑空談彼岸夫農桑者今日濟育功德者
將來勝因豈可墮本
祥河疏疊澗慧日皎重輪
寺碑文祥
勤未置邇効賒也
河輟水寶樹低枝李善注瑞應經曰時尼連河水流甚疾
佛以自然神通斷水涌起高出人頭令底揚塵佛在其中
又蔭法雲於真際則火宅晨涼曜慧日於康衢則重昏夜
曉李善注法華經曰慧日大聖尊久乃說是法劉蚪曰菩
薩圓淨照灼明兩故曰慧日崔豹古今注音樂漢明帝爲
太子樂人作歌以贊太子之德其一曰日重光其二日月
重輪其三曰海重潤
葉暗龍宮密花明鹿苑春
經現相品第
輝其四曰海重潤
七菩薩摩訶薩行般若波羅蜜以方便力示現行詣道場
足下卽現千輻輪相微妙光明一切地獄畜生餓鬼遇斯
光明皆悉離苦而得安樂及照龍宮時有迦犁迦龍王遇
此光明卽告諸龍此金色光來照龍宮悉令汝等心身安

樂水經注河水法顯順恆水西下到迦尸國波羅奈城城
之東北十里許即鹿野苑本辟支佛住此常有野鹿栖宿
故以名焉謝靈運山居賦欽鹿野之華苑羨靈鷲之名山
企堅固之貞林希菴羅之芳園自注鹿苑說四真締處靈
鷲山說般若法華處堅固林說泥洹處菴羅園說不思議
處楞嚴經我在鹿苑及於雞園觀見如來最初成道於佛
音聲悟明四締注鹿苑雞園歷代帝王養畜之地釋元應
善見律音義鹿野在波羅奈國昔如來與提婆達多俱爲
鹿王各領五百餘鹿在此林中時王出獵盡欲煞其中有
雌鹿懷子垂產菩薩鹿王以身代之王感仁慈盡免其命
卽以此林用施諸鹿雕談筌奧旨妙辨漱乎津史記孟子荀卿列傳
鹿野之號自此興焉雕談筌奧旨妙辨漱乎津荀卿列傳
騶衍之術迂大而閎辨爽也文具難施淳于髡久與處時
有得善言故齊人頌曰談天衍雕龍奭炙轂過髡集解駟
案劉向列錄曰騶衍盡言天事故曰談天騶奭修衍之文
飾若雕鏤龍文故曰雕龍李善注王少頭經寺碑文曰筌
捕魚之筍莊子以之喻言佛說如來智印經一切三昧智
印門此是佛種四妙辨徐陵東陽雙林寺傳大師碑妙辨
無相深言不生庾闡孫登贊龍菴可遊芳津可漱王少頭
陀寺碑文釋綱更維乎津重樞李善注僧叡師十二法門

序曰奏希聲於宇
宙濟溺喪於乎津
雅曲終難和徒自奏巴人

遊靈公觀

靈峰標勝境神府枕通川

峯一作岑境一作地○南史梁始興王憺傳勝境名山多所尋

履冥通記受學仙宮任表神府司馬相如上林賦醴泉涌於清室通川過於中庭

玉殿斜連漢金

堂迴架烟

連一作臨○南齊書樂志送神奏昭夏歌辭琬庭寂玉殿虛南史朱異傳簡文又製圍城賦末

章云升紫霄之丹地排玉殿之金扉陰鏗遊咸陽詩城斗疑連漢橋星象跨河拾遺記洞庭山浮於水上其下有金

堂數百間玉女居之四時聞金石絲竹之聲徹於山頂晉書許邁傳永和二年移入臨安西山乃改名乎字遠遊遺

義之書云自山陰南至臨安多有金堂玉室仙人芝草左元放之徒漢末諸得道者皆在焉沈約棲禪精舍銘巖靈

旅逸地遠棲禪蘭斷風疎晚竹流水切危絃

危一作寒○戴凱之竹譜

房茸蕙嶠螢架烟上密防露下疎來風張協七命撫促柱則酸鼻揮危絃則涕流李善注鄭乎論語注曰危高也陸機前緩歌行大客

揮高絃意與此同也李騫釋情賦
起白雪於促柱奏綠水於危絃
別有青門外空懷乎園

仙青門見帝京篇張揖廣雅釋山崑崙墟有三山間風板

淮南子墜形訓崑崙之邱或上倍之是謂涼風之山登之

而不死或上倍之是謂縣圃之山登之乃靈能使風雨或

上倍之乃維上天登之乃神是謂太

帝之居案水經注河水篇引作乎

春晚從李長史遊開道林故山

幽尋極幽壑春望陟春臺王績遊北山賦山水幽尋風雲

越幽壑宗懷春望詩日暮春臺傍徙倚愛餘光都尉新移

藥司空始種楊老子異俗章衆人熙熙如享太牢如登春

臺李善注閒居賦引老子曰衆人熙熙如雲光棲斷樹霞

登春臺明道藏所刊明皇本亦作登春臺

影入仙杯漢昭帝淋池歌雲光開曙月低河萬歲為樂豈

去是與河東蒲坂項曼都無以異也曼都好道學仙委家
亡去三年而反曰去時有仙人數人將我上天離月數里

而止居月之旁其寒淒愴口飢欲
食輒飲我流霞一杯數月不飢
古藤依格上野徑約山
隈陰鏗和登百花亭懷荆楚詩藤長還依格荷生不礙橋
曹植應詔詩涉澗落藥翻風去流鶯滿樹來
楚辭離騷經
之濱緣山之隈
藥王逸注藥實貌呂延濟注藥花心也左思蜀都賦敷藥
蕤蕤落英飄飄飗飗劉達注藥者或謂之華或謂之實一曰花
鬚頭點也蕭瑱春日貽劉孝綽詩新禽爭弄響落藥亂從
風沈約八詠會圃臨春風舞春雪雜流鶯又三月三日率
爾成篇開花已匝
興闌荀御動歸路起浮埃
廣韻闌遮也
樹流嚶復滿枝
半罷曰闌後漢書黨錮傳李膺性簡亢無所交接荀爽嘗
就謁膺因爲其御既還喜曰今日乃得御李君矣其見慕
如此蕭綸贈言賦荀託御
而自悅徐因芻而請前

春日離長安客中言懷
一作春霽早行

年華開早律霽色蕩芳晨

庾信竹杖賦并皆年華未暮容
貌先秋陳叔達早春桂林殿應

詔詩金鋪照春色玉律動年華唐太宗謁并州興國寺詩迴鑾遊福地極目玩芳晨城闕千門曉山

河四望春隋煬帝晚春詩洛陽御溝通太液戚里對平津

御溝見豔情篇漢書昭帝紀始元元年春二月黃鵠下建

章宮太液池中注如淳曰謂之液者言天地和液之氣所

爲也臣瓚曰太液池言承陰陽津液以作池也師古曰如

瓚之說皆非也太液池者言其津潤所及廣也戚里見帝

京篇漢書公孫宏傳元朔中代薛澤爲丞相先是漢常以

列侯爲丞相唯宏無爵上於是下詔曰其以高成之平津

鄉戶六百五十封丞相宏爲平津侯太平寰宇記河北道

滄州鹽山縣本春秋無棣邑也漢置高城縣屬渤海郡有

平津鄉卽漢武帝封公孫宏爲侯亦此邑案今寶瑟調中

屬直隸天津府此云對平津者就第宅言之也

婦金疊引上賓寶瑟見帝京篇古樂府相逢行大婦織綺

此言中婦調瑟就音也詩周南我姑酌彼金疊陸德明釋

文疊酒爵也韓詩云天子以玉飾諸侯大夫皆以黃金飾

士以梓禮記云夏日山疊其形似壺容一斛刻而畫之劇

爲雲雷之形漢書枚乘傳乘久爲大國上賓與英俊遊劇

各品每長

一

談推曼倩驚坐揖陳遵

西京雜記長安有儒生曰惠莊聞朱雲折五鹿充宗之角遂裹糧從

雲雲與言莊不能對逡巡而去拊心謂人曰吾口不能劇

談此中多有漢書揚雄傳口吃不能劇談注鄭氏曰劇甚

也晉灼曰或作遽遽疾也口吃不能疾言師古曰劇亦疾

也無煩作遽也東方朔傳東方朔字曼倩平原厭次人也

自公卿在位朔皆敖弄無所為屈武帝時方外事胡越內

與制度而朔嘗至太中大夫後常為郎與枚皋郭舍人俱

在左右詼嘲而已游俠傳陳遵字孟公杜陵人也長八尺

餘容貌甚偉畧涉傳記贍於文辭所到衣冠懷之惟恐在

後時列侯有與遵同姓氏者每至人門曰陳孟公意氣一

坐中莫不震動既至而非因號其人曰陳驚坐云意氣一

言合風期萬里親也後漢書蔡邕傳意氣之感士所不能忘

氣於一言託風雲於千載周滕王字自惟安直道守拙忌

文適庾信集序余與子山風期欵密

因人忌一作忘○司馬遷報任少卿書所以自惟注師古

曰惟思也論語直道而事人陶潛歸田園居詩守拙

歸田園因人

談器非先木圖榮異後薪

見浮槎及

抑揄慙

詳螢火賦

路鬼憔悴切波臣

黃朝英靖康細素雜記前書云李左車設伏兵之計以禦韓信而趙王不用遂

為市中人耶歎之蘇鶚衍義云耶歎者舉手相弄之貌即

今俗謂之治由也耶歎蓋音韻訛舛耳又後漢王霸傳王

郎起兵光武在薊令霸至市中募人將以擊郎市人皆大

笑舉手邪揄之注引說文曰歎歎手相笑也歎音弋支反

歎音踰又音由此云邪揄語輕重不同又世說載襄陽羅

友少好學性嗜酒當其所遇則不擇士庶桓宣武雖以才

學遇之然以其誕率非宏遠才許而不用郡人有得郡者

溫為席送別友亦被命至尤遲晚溫問之答曰旦出門於

中路逢一鬼大揄揄云我祇見汝送人作郡何以不見人

送汝作郡遂慚怖卻回不覺淹速之罪桓雖知其滑稽心

頗愧焉後以為襄陽太守案羅友事見世說任誕篇劉峻

注楚辭漁父屈原既放游於江潭行吟澤畔顏色憔悴形

容枯槁波臣見乎草終疲漢烏裘幾滯秦漢書揚雄傳哀

詠懷古意篇用事諸附離之者或起家至二千石時揚雄方

草太乎有以自守泊如也烏裘見途中有懷詩生涯無歲

月歧路有風塵

沈炯獨酌謠生涯本漫漫神理暫超超陸機長安有俠邪行伊洛有歧路歧路交朱

輪

還嗟太行道處處白頭新

阮籍詠懷北臨太行道失路將如何劉峻廣絕交論嗚呼

世路險巇一至於此
太行孟門豈云嶮絕

別李嶠得勝字

新唐書李蕭盧韋趙和列傳李嶠字巨山趙州贊皇人早孤事母孝十五

通五經薛元超稱之二十擢進士第始調安定尉舉制策甲科遷長安時畿尉名文章者駱賓王劉光業嶠最少與等夷授監察御史稍遷給事中忤武后旨出為潤州司馬久乃召為鳳閣舍人神龍二年代韋安石為中書令三年封趙國公睿宗立致仕嶠富才思有所屬綴人多傳諷武后時汜水獲瑞石嶠為御史上皇符一篇為世議薄然其仕前與王勃楊盈川接中與崔融蘇味道齊名一時學者取法焉

芳尊徒自滿別恨轉難勝

顏之推觀我生賦對皓月以增悲臨芳尊而無賞江淹恨賦干

秋萬歲為怨難勝

客似遊江岸人疑上瀟陵

晉書文苑傳袁宏字彥伯侍中猷之孫也

父勗臨汝令宏有逸才會為詠史詩是其風情所寄少孤貧以逋租自業謝尚時鎮牛渚率爾與左右微服泛江會

宏在舫中諷詠聲既清會辭又藻拔遂駐聽久之遣問焉
答云是袁臨汝耶誦詩卽其詠史之作也尙卽迎升舟與
之譚論申旦不昧自此名譽日茂王安寒更承夜永涼景向
桑七哀詩南登霸陵岸回首望長安
秋澄序青春受謝則接武平皋素秋澄景則獨酌虛空
離心何以贈自有玉壺冰
鮑照代白頭吟直如朱絲繩清如玉壺冰

晚渡黃河

千里尋歸路一葦亂平源

爾雅釋水河出崑崙虛色白所渠并千七百一川色黃百里一

小曲千里一曲一直詩衛風誰謂河廣一葦杭之孔穎達疏言一葦者謂一束也可以浮之水上而渡若桴楫然非

一根葦也書禹貢亂於河傳正絕流曰亂疏孫炎通波連日橫渡也庾闡揚都賦於是平源浩濊林阜隱蒼

馬頰迸水急龍門

爾雅釋水馬頰樂史太平寰宇記河北道滄州樂陵縣馬頰河在縣東六十里從滴河縣北界來輿地

志云雋馬河亦馬頰河也閻若璩四書釋地曰山東濟南

府平原縣北有篤馬河東北經陵縣德平商河樂陵諸縣
 界水經注河水篇孟門即龍門之上口實為河之巨隄兼
 孟門津之名矣此石經始禹鑿河中漱廣夾岸崇深傾崖
 返捍巨石臨危若陞復倚古之人有言水非石鑿而能入
 石信哉其中水流交衝素氣雲浮往來遙觀者常若霧露
 沾人窺深悸魄其水尚崩浪萬尋懸流千丈渾洪聳怒鼓
 若山騰溶波頽疊迄於下口方知慎照日榮光淨驚風瑞
 子下龍門流浮竹非駟馬之追也
 浪翻初學記地部尚書中侯曰榮光出河棹唱臨風斷樵
 休氣四塞榮光五采淨或作渾也
 歌入聽喧歌一作謳○魏收晦日應詔詩棹唱忽透岸迴
 迤菱歌時願慕樵歌見從軍中行路難
 秋霞落潭深夕霧繁誰堪逝川上日暮他鄉魂他鄉一作

晚泊河曲

春秋文公十二年晉人秦人戰于河曲杜預注河曲在河東蒲坂縣南太平寰宇記

河東道蒲州河東縣即漢蒲坂縣也春秋秦晉戰于
 絳州河津縣來自此折而東入解州芮城縣界故謂
 之河曲

三秋倦行役千里泛歸潮

詩魏風父曰嗟予子行役謝靈運從遊京口北固應詔詩張組

眺倒景列

延屬歸潮通波竹箭水輕舸木蘭橈

通波竹箭見贈高四詩及疇昔篇揚雄方

言南楚江湘凡船大者謂之舸小舸謂之舠舠數千亂流來戰郭書武帝紀薛元嗣軍主沈難當率輕舸數千亂流來戰郭

憲洞冥記影娥池中有遊月船觸月船鴻毛船遠見船載數百人或以青桂之枝為櫂或以木蘭之心為楫方言曰

楫謂之櫂

金隄連遠岸貝闕影浮橋

金隄見秋日錢陸道士陳文林篇沈約八

詠晨征聽曉鵲篇跨弱水之微瀾發成山之遠岸貝闕見送郭少府篇方言船舟謂之浮梁郭璞注今浮橋水

淨千年近星飛五老遙

拾遺記又有丹邱千年一燒黃河千年一清至聖之君以為大瑞元

和郡縣志河東道河中府永樂縣五老山在縣東北十三里堯升首山觀河渚有五老人飛為流星上入昇因號其

山為五

疊花開宿浪浮葉下涼飆

柳顧言奉和晚日揚子江應教詩空濛雲色暗

涼疊浪花生潘岳在懷縣詩涼飆自遠集輕襟隨風吹

浦荷疏晚葭津柳漬寒條爾雅

釋草荷芙蕖其實蓮其根藕其中的郭璞注蓮中子也邵
晉函正義曰蓮房之子名的簇生房中如蜂在窠陸璣詩
義疏蓮青皮裏白子爲的的中有青長三分如鉤爲薏味
甚苦的五月中生生啖脆至秋表皮黑的成實或可以磨
以爲飯如栗也李善注魯靈光殿賦引爾雅作蒟潘微贈
北使詩塞榆行隱路津柳稍垂門梁武帝孝思賦若乃寒
冰已結寒恹惶勞梗泛淒斷倦蓬飄班固答賓戲聖賢之
條已折恹惶勞梗泛淒斷倦蓬飄治棲棲遑遑李善注
棲遑不安居之意也恹惶與棲遑通梗泛見軍中
行路難吳均閨怨詩胡笳屢淒斷征蓬未肯還
仙查不
可託河上獨長謠

同崔駙馬曉初登樓思京

舊書職官志駙馬自近代已來唯尚公主者授之新

書百官志駙馬都尉無定員與奉車都尉皆從五品下諸公主傳高祖十九女眞定公主下嫁崔恭禮館

陶公主下

嫁崔宣慶

麗譙通四望繁憂起萬端

麗譙見上登王司馬樓篇馮衍願志賦伏朱樓而四望兮采三

秀之華英王褒致周宏讓書還念生涯繁憂總集魏文帝
與吳質書年行已長大所懷萬端時有所慮至通夜不眠
志意何時綺疏低曉魄鏤檻肅初寒後漢書梁冀傳窗牖
復類昔日綺疏謂鏤為綺文曉魄見田家詠張衡西京賦鏤
太子注綺疏綜注檻欄也皆刻畫胡三省通鑑陳紀十注欄
檻皆所以凭也施於簷下階際者曰欄施於窗牖之間者
曰檻昭明太子七召綺疏交映鏤檻相望何遜初發新林
詩凜凜窮秋節白雲鄉思遠黃圖歸路難梁簡文帝答張
初寒入洲渚鄉思淒然或雄心噴薄隋書經籍志黃圖一卷
記三輔宮觀陵廟辟雍郊時等事言京城也唯餘西向
笑暫似當長安文選曹子建與吳季重書李善注桓子新
論曰人間長安樂則出門向西而笑知肉
味美對暑
門而大嚼

送郭少府探得憂字

開筵杭德水輟棹艤仙舟

詩衛風河廣傳杭渡也史記封禪書昔秦文公出獵獲黑龍此

其水德之瑞於是秦更命河曰德水謝朓新亭渚別范零
陵詩停驂我悵望輟棹子夷猶史記項羽本紀烏江亭長
橫船待集解徐廣曰橫音儀一音俄駟案應邵曰橫正也
孟康曰橫音蟻附也附船著岸也如淳曰南方人謂整船
向岸曰橫李善注顏延之祭屈原文引漢書貝闕桃花浪
作艤仙舟用郭林宗事詳江南贈宋之間篇貝闕桃花浪
龍門竹箭流貝闕見秋水篇漢書溝洫志來春桃花華水盛
注師古曰月令仲春之月始雨水桃花始華蓋
桃方華時既有雨水川谷冰泮衆流猥集故謂之桃花水
耳龍門竹箭見疇昔篇張正見公無渡河樂府權折桃花
月駟橫當歌淒別曲對酒泣離憂魏武帝短歌行對酒當
竹箭流歌人生幾何九歌山鬼
思公子兮還望青門外空見白雲浮
徒離憂

秋夜送閻五還潤州

并序元和郡縣志江南道潤

州本春秋吳之朱方邑始皇改
為丹徒吳晉以後皆為重鎮隋開皇十五年罷鎮置
潤州城東有潤浦口因以名管縣六丹徒丹陽金壇
延陵上

元勾容

閻五官言返維桑脩途指金陵之地李六郎交深投漆開

筵浮白玉之樽

詩小雅維桑與梓必恭敬止毛亨傳父之所樹已尚不敢不恭敬陸雲歲暮賦虔孝

敬於神邱兮結祇慕於維桑九愍望龍門而屢顧攀維桑而祇泣沈約郊居賦達利建於海昏創維桑於江汜顧炎武日知錄曰容齋隨筆謂小雅維桑與梓並無鄉里之說而後人文字乃作鄉里事用愚考之張衡南都賦云永世克孝懷桑梓焉真人南巡觀舊里焉蔡邕作光武濟南宮碑云來在濟陽顧見神宮追惟桑梓褒述之義陳琳為袁紹檄云梁孝王先帝母弟墳陵尊顯松柏桑梓猶宜肅恭漢人之文必有所據齊魯韓三家之詩不傳未可知其說也脩途開筵見饒陸道士陳文林篇元和郡縣志潤州上元縣本金陵地秦始皇時改其地曰秣陵隋開皇九年置蔣州以江寧縣屬焉武德三年杜伏威歸化改江寧為歸化縣九年改為白下縣屬潤州貞觀九年又改白下為江寧縣至德二年于縣置江寧郡乾元元年改為昇州上元二年廢昇州仍改江寧為上元縣鍾山在縣東北一十八里按輿地志古金陵山也邑縣之名皆由此而立古詩十九首以膠投漆中誰能別離此詳靈泉頌曹植仙人篇玉

伯盈桂酒河
伯戲神魚

于時璧彩澄虛漏輕光於雲葉珪陰散迴搖

碎影於風梧

虛一作空。公孫乘月賦。炎日匪明。皓壁匪

烟鴻呂氏春秋八覽重言篇成王與唐叔虞燕居援梧葉

以為珪而授唐叔虞曰余以此封女叔虞喜以告周公周

公以請曰天子其封虞和成王曰余一人與虞戲也為公

對曰臣聞之天子無戲言天子言則史書之工誦之士稱

之於是遂封叔虞於晉高誘注削桐葉以為珪冒以授叔

虞案此戲以梧葉為珪非謂梧葉類珪也後遂以梧葉為

珪形用之許善心奉和還京師詩餘花照玉李細葉翦珪

梧梁簡文帝上皇太子乎園講頌啓霜竹浮陰風梧散影

雖桂醕蘭釭斲淹畱於一夕而青山黃鶴將惆悵於九秋

沈約郊居賦席布駢駒堂流桂醕王

請勒四言俱伸五際

融詠慢詩但願置樽酒蘭釭當夜明

劉安招隱士攀援桂枝今聊淹畱左傳僖公三十三年行

則備一夕之衛江總別袁昌州詩徂年驚若電別日嘆成

秋黃鶴飛飛遠青山去去愁宋玉九辯惆悵今而私自憐

張衡南都賦結九秋之增傳子善注古樂府有歷九秋妾

薄相行歌辭王逵蠡海集易於東北為陽南西為陰故有三冬三春九秋九夏三為陽始九為陽終始為陽中之陽終為陽中之陰故也仍有三秋之說者春為陽始秋為陰始所以始皆稱陽數至於冬則不稱九夏則不稱三也案初學記歲時部梁元帝纂要曰春曰青陽亦曰三春九春夏曰朱明亦曰三夏九夏秋曰白藏亦曰三秋九秋冬曰乎英亦曰三冬九冬晉李顥詩炎光燦南溟溽暑融三夏梁劉孝標答劉之遴借類苑書九冬有隙三餘暇時蓋一時三月故稱三九十日故稱九王說非也四言以一韻為一言也五際見帝京篇啓

通莊抵舊里溝水泣新知通莊見錢陳文林陸道士篇抵至也宋書樂志白頭吟今日斗

酒會明旦溝水頭蹀躞御溝上溝水東西流又男兒欲相知何用錢刀為楚辭九歌少司命悲莫悲兮生別離樂莫

樂兮新樂今新斷雲飄易滯連霧積難披斷雲用魏文帝雜詩西

相知用晉書樂廣傳披雲霧靚青天意梁元帝僚風啼迴堞驚

乎覽賦獨有披霧之心彌軫凌雲之志禮中庸注僚猶鄉也

月繞疎枝無力勵短翰輕舉送長離

啼一作翻○鄭康成

王勃上武侍郎啓攀翰苑而思齊倬文風而立至廣雅釋
宮堞女牆也朱超詠城上烏詩朝飛集麗城猶作夜啼聲
魏武帝短歌行月明星稀烏鵲南飛繞樹三匝無枝可棲
揚雄解嘲矯翼勵翮謝朓和劉中書詩圖南矯風翮曾非
息短翰楚辭遠遊悲時俗之迫阨兮願輕舉而遠遊潘岳
爲賈謐作贈陸機詩婉婉長離凌江而翔李善注漢書長
麗前揆光耀明臣瓚曰長離靈鳥也離與麗古字通案此
篇首句言閭旋里次句言已與之別三四句嘆已之遇五
六句借烏鵲以喻已長離喻閭也

初秋於竇六郎宅宴得風字并序

六郎道合采葵嘯懸鶉而契賞諸君情諧伐木仰登龍以
締歡古詩采葵莫傷根傷根葵不生結交莫羞貧羞貧交
不成荀子大畧篇子夏貧衣若懸鶉人曰子何不仕
曰諸侯之驕我者吾不爲臣大夫之驕我者吾于時一葉
不復見詩序伐木燕朋友故舊也登龍見上篇
驚寒下疎柯而捲翠百花凝照撲虛牖以披紅一葉見螢
火賦序潘

岳射雉賦初莖蔚其
翠新陳柯槭以改舊既而俱欣得免之情共掩亡羊之淚

物我雙致匪石席以言蘭心口兩齊混汗隆而酌桂得免亡羊

並見贈高四詩序詩抑風我心匪石不可轉也我心匪席

不可卷也鄭康成箋言己心志堅平過於石席言蘭見靈

泉頌禮檀弓上道隆則從而隆道汗則從而汗鄭康成注

汗猶殺也傅亮感物賦考舊聞於前史訪心迹於汗隆酌

桂見帝京篇雖忘筌戴笠與交態於靈臺而擗管操觚叶神心

於勝氣盡陳六義請賦一言卽事凝毫成者先唱云爾忘筌

見贈高四篇初學記人部風土記曰越俗性率朴初與人

交有禮封土壇祭以大雞祝曰卿雖乘車我戴笠後日相

逢下車揖我步行卿乘馬後日相逢卿當下靈臺見贈高

四篇周宏讓答王褒書擗管操觚聲淚俱咽六義見上篇

千里風雲契一朝心賞同裴訥之鄴館公宴詩晉意盡深

交洽神靈俗累空深交洽一作通家洽○沈約宋書自序

伯玉與人共事皆為深交莊子雜篇天

下不累於俗
不飾於物
草帶銷寒翠花缸斂夜紅
帶一作砌缸一作枝斂一作發

信三月三日華林園馬射賦草衙長帶桐垂細乳說文十

四篇上缸車轂中鐵也段王裁注釋名曰缸空也其中空

也引申之凡空中可受者皆曰缸漢書曰昭陽宮壁帶為

黃金缸函藍田璧是也俗謂高燈為缸亦取凹處盛膏之

意梁元帝予覽賦蘭惟將淡若水長挹古人風
禮表記故

缸夕然合璧斜天
君子之接

如水小人之接如醴君

子淡以成小人甘以壞

送鄭少府人遼共賦俠客遠從戎
洪邁容齋隨筆唐

為少府太平寰宇記河東道遼州秦為上黨郡地後

漢於此置陽河縣屬上黨郡晉改為轅陽屬樂平郡

後魏大武并入武鄉明帝改轅陽為遼陽隋開皇十

年置遼山縣屬并州十六年屬遼州即今州理

邊烽警榆塞俠客度桑乾
漢書韓安國傳累石為城樹榆

為塞匈奴不敢飲馬於河置燧

燧然後敢牧馬注如淳曰塞上種榆也水經注灤水篇灤

水又東北流左會桑乾水縣西北上平洪源七輪謂之桑

乾泉卽涑涑水者也耆老云其水潛通承太原汾陽縣北
燕京山之大池桑乾水自源東南流右會馬邑川水水出
馬邑西川俗謂之磨川矣柳葉開銀鏑桃花照玉鞍
結客少年場行鷺羽裝銀鏑犀膠飾象弧桃華馬見前卷
梁簡文帝西齋行馬詩晨風白金絡桃花紫玉珂崔豹古
今注輿服第一孫文臺獲青玉馬鞍其光照衢劉孝
威和竟陵王愛妾換馬詩小史贖金絡良工送玉鞍滿月
臨弓影連星入劍端庾信詠畫屏風詩浮雲隨走馬不學
明月逐彎弓連星見行路難

燕丹客徒歌易水寒燕丹子荆軻入秦不擇日而發太子
與知謀者皆素衣冠送之於易水之

上荆軻起爲壽歌曰風蕭蕭兮易水寒壯士一去兮不復
還高漸離擊筑宋如意和之爲壯聲則怒髮衝冠爲哀聲

則士皆
流涕

餞鄭安陽入蜀

彭山折坂外井絡少城隈山一作門○常璩華陽國志蜀
志秦孝文王以李冰爲蜀守冰

能知天文地理謂汶山爲天彭門乃至湔及縣見兩山對
如關因號天彭關左思蜀都賦出彭門之關馳九折之坂
劉逵注九折坂在漢嘉嚴道縣邛來山案彭山在今四川
成都府灌縣折坂在今四川雅州府榮經縣井絡見在江
南贈宋之問篇華陽國志蜀郡州治大城郡治少城
李吉甫元和郡縣志劔南道成都府成都縣少城一曰小
城在縣西南一里二百步蜀地是三巴俗人非百里才
都賦云亞以少城接乎其西地是三巴俗人非百里才
國志巴志其民質直好義土風敦厚有先民之風而其失
在於重遲魯鈍俗素樸無造次辨麗之氣獻帝初平元年
征東中郎將安漢趙穎建議分巴爲二郡穎欲得巴舊名
故白益州劉璋以墊江以上爲巴郡江南龐義爲太守治
江漢以江州至臨江爲永寧郡胸忍至魚復爲固陵郡巴
遂分矣魚復蹇脩白璋爭巴名璋乃改永寧爲巴郡以固
陵爲巴東徙義爲巴西太守是爲三巴陳壽蜀志龐統字
士元先主領荊州統以從事守耒陽合在縣不治免官吳
將魯肅遣先主書龐士元非百里才也使處治中別駕之
任始當展其驥足耳諸葛亮亦言之於先主以爲治中從
事長途君張望歧路我徘徊

長一作畏歧一作別
○歐陽
詢藝文類聚遊覽部晉陸冲

詩曰命駕遵長途綿邈塗難尋悵望見上送郭少府探詩

李陵與蘇武詩徘徊踈路側悵悵不得辭蹊一作歧謝朓

觀朝雨詩動息無心賞風烟隔容華歲月催鮑照白頭吟

兼遂歧路多徘徊心賞風烟隔容華歲月催

貌恭豈易憑謝朓和徐都曹詩風烟四時犯霜雨朝遙遙

夜沐陸機君子有所思行人生誠行邁容華隨年樂遙遙

分鳳野去去轉龍媒庾信周大將軍崔詵神道碑鳳野匡

之媒顏師古注應邵曰言天馬者乃神遺錦非前邑鳴琴

龍之類今天馬已來此龍必至之効也

即舊臺華陽國志漢中士女志閭憲字孟度成固人也名

夜行得遺物一囊中布錦二十五匹求其主還之曰縣有

明君何敢負其化遷蜀郡民泣涕送之以千數呂氏春秋

六論尊賢篇宓子賤治單父彈鳴琴身不下堂而單父治

顏注蜀有司馬相如琴臺蓋借以用子賤之事也琴臺見

篇昔劍門千仞起石路五丁開張載劍閣銘惟蜀之門作

切詳見從軍中行路難酈道元水經注沔水篇褒水又東

南歷小石門門穿山通道六丈有餘刻石言漢明帝永平

各品每集

卷之三

上

中司隸校尉健爲楊厥之所開逮桓帝建和二年漢中太守同郡王升嘉厥開鑿之功琢石頌德以爲石牛道來敏木蜀論云秦惠王欲伐蜀而不知道作五石牛以金置尾下言能尿金蜀王負力令五丁引之成道秦使張儀司馬錯尋路滅蜀因曰石牛道厥蓋因而廣之矣蜀都賦曰阻以石門其斯之謂也華陽國志蜀志惠王知蜀王好色許嫁五女於蜀蜀遣五丁迎之還到梓潼見一大蛇入穴中一人攬其尾掣之不禁至五人相助大呼拽蛇山崩時壓殺五人及秦五女并將從而山分爲五嶺海客乘槎渡仙童今其山或名五丁冢是五丁乃五人也馭竹迴乘槎見浮槎篇後漢書郭伋傳郭伋字細侯建武前在并州素結恩德始至行部到西河美稷有童兒數百各騎竹馬於道次迎拜伋問兒曹何自遠來對曰聞使君到喜故來奉迎伋辭謝之及事訖諸兒復送至郭外問使君何日當還伋謂別駕從事計日當告之行部旣還先期一日伋爲違信於諸兒遂止于野亭須期乃入顏形將離注費長房騎竹杖此雙意引用也事見王靈妃篇形將離鶴遠思逐斷猿哀沈約入詠夕行聞夜鶴篇懸海上之驚鳥傷雲閒之離鶴唐太宗遼東山夜臨

秋詩連山驚鳥亂隔岫斷猿吟水經注江水篇每至晴初
霜旦林寒澗肅常有高猿長嘯屬引淒異空谷傳響哀轉
久絕故漁者歌曰巴東三峽
巫峽長猿鳴三聲淚沾裳
惟有雙鳬飛去復飛來後漢
書方術傳王喬者河東人也顯宗世爲葉令喬有神術每
月朔望常自縣詣臺朝帝怪其來數而不見車騎密令太
史伺望之言其臨至輒有雙鳬從東南飛來於是候鳬至
舉羅張之但得一隻鳬焉乃詔上方詎視則四年中所賜
尚書官屬履也每當朝時葉
門下鼓不擊自鳴聞於京師

渡瓜步江

隋書地理志江都郡六合有瓜步山初學

江寧縣卽魏文帝及後魏太武帝所臨處任昉述異
記水際謂之步瓜步在吳中吳人賣瓜於江畔用以
名焉昉按吳楚閒謂浦爲步語之訛耳按新書地理
志江南道潤州丹徒開元二十二年刺史齊澣以州
北隔江舟行繞瓜步回遠六十里多風濤乃於京口
埭下直趨渡江二十里是唐初渡江不由京口皆以
瓜步爲南北往來之津矣今瓜步山在江蘇江寧府
六合縣東南二十里東臨大江瓜步城卽在其側

捧檄辭幽徑鳴榔下貴洲

洲一作州○捧檄見贈高四詩序潘岳西征賦緘經連白鳴榔

屬響李善注說文曰根高木也以長木叩舷為聲隋書郭

行傳開皇十年從晉王廣出鎮揚州遇江表構逆命衍為

總管領精銳萬人先屯京驚濤疑躍馬積氣似連牛

口於貴洲南與戰敗之驚濤疑躍馬積氣似連牛七發

沌沌渾渾狀如奔馬李善注越絕書曰王捐子胥於大江

口勇士之勢乃有遠鄙發憤馳騰氣若奔馬庾信將命使

北始渡瓜步江詩觀濤想帷蓋爭長憶于戈孔德紹王澤

嶺遭洪水詩驚濤遙起鷺迴岸不分牛積氣用晉書張華

傳紫氣徹斗牛事斗月迴寒沙淨風急夜江秋○爾雅釋

吳分野故曰連牛月迴寒沙淨風急夜江秋○爾雅釋

詰迴遠也謝靈運初去郡詩野曠沙岸淨天高不學浮雲

秋月明陰鏗夜發詩夜江霧裏闊新月迴中明不學浮雲

影他鄉空滯留

陪潤州薛司空丹徒桂明府遊招隱寺

元和郡縣志江南道潤州

丹徒縣本朱方地後名谷陽初秦以其地有王氣始皇遣繡衣徒三千人鑿破長隴故名丹徒獸窟山一

名招隱山在縣西南十里
即隱士戴顒之所居也

共尋招隱寺初識戴顒家

宋書隱逸傳戴顒字仲若譙郡
人也父達兄勃並隱遜有高

名衡陽王義季鎮京口長史張邵與顒姻通迎來止黃鵠

山山北有竹林精舍林澗甚美顒憩於此澗義季亟從之

遊太祖每欲見之嘗謂黃門侍郎張還依舊泉壑應改昔

敷曰吾東巡之日當讌戴公山也

雲霞江淹木蓮頌迸采泉壑騰光淵邱南齊書高逸傳顧
歡上表曰臣志盡幽深無與榮勢自足雲霞不須祿

養謝靈運石壁精舍還湖中綠竹寒天筍紅蕉臘月花左

作林壑斂暝色雲霞收夕霏

吳都賦苞筍抽節劉逵注苞筍冬筍也其味美於春夏時

筍也宋祁益部方物畧記紅蕉於芭蕉蓋自一種其花鮮

明可喜蜀人語染深紅者謂之蕉紅蓋倣其殷麗云周去

非嶺外代答花木門紅蕉花葉瘦類蘆箬中心抽條條端

發花葉數層日拆一兩葉色正紅如榴花荔子其端各有

一點鮮綠尤可愛花心有鬚蒼黑色春夏開至歲寒猶芳

史記秦本紀惠文君十二年初臘張守節正義十二月臘

日也秦惠文王始效中國爲之獵禽獸以歲終祭先祖因

立此金繩倘畱客爲繫日光斜沈炯幽庭賦那得長繩繫日也

送費元之一作還蜀

星樓望蜀道月峽指吳門

太平寰宇記江南東道昇州上元縣落星山在縣東北三十五

里周迴六里東接臨沂山西接攝山北臨大江按南徐州記臨沂縣前有落星山吳大帝時於西江山置三層高樓以爲此名吳王遊獵憩息地吳都賦云饗戎旅於落星之樓梁簡文帝有蜀道難曲常璩華陽國志巴志枳有明月峽廣德嶼太平寰宇記山南西道渝州巴縣明月峽在縣東北八十里李膺益州記云廣陽州東七里水南有遮要三槌石石東二里至明月峽峽首南岸壁高四十丈其壁有圓孔形若滿月因以爲名庾信枯樹賦臨風亭而喚鶴對月峽而吟猿太平寰宇記江南東道蘇州吳縣吳王閶廬所都今按閶閭城周迴三十里水陸十有二門當是自吳還蜀萬行流別淚九折切驚魂王僧孺夜愁示諸賓詩故云然萬行朝淚瀉千里夜愁積九折見前謝靈運山居賦招驚魂於殆化收危形於將闌雪影含花落雲陰帶葉昏

庾肩吾詠花雪詩飛花灑庭樹凝英結井泉陸機浮雲賦
金柯分玉葉散張正見賦得題新雲詩根危纔吐葉氣淺
未成
還愁三徑晚獨對一清樽陶潛歸去來辭三徑就荒
松菊猶存李善注三輔決

錄曰蔣詡字元卿舍中三徑唯羊仲求仲從之遊皆挫廉
逃名不出王儉與江水曹詩山中上芳月故人清樽賞

送劉少府遊越州

元和郡縣志江南道越州春秋時
為越秦以其地并吳立為會稽郡

後漢順帝時陽羨令周喜上書遂分浙江以西為吳
郡東為會稽郡自晉至陳又于此置東揚州隋平陳
改東揚州為吳州大業元年改為越州武德四年置
越州總管七年改總管為都督

一邱余枕石三越爾懷鉛

漢書自敘漁釣於一壑則萬物
不好其志栖遲於一邱則天下

不易其樂魏武帝秋胡行道深有可得名山厯觀遨遊入
極枕石漱流飲泉沈吟不決遂上升天蜀志彭萊傳枕石
漱流吟詠縕袍阮籍為鄭冲勸晉王箋威加南海名懾三
越李善注漢書有三越謂吳越及南越閩越也揚雄答劉
歆書會者雄常把三寸弱翰齎油素四尺以問其異語歸
即以鉛摘次之於槩二十七歲於今矣西京雜記揚雄嘗

懷鉛提槧從諸計吏訪離亭分鶴蓋別岸指龍川越絕書外傳春

申君吏李園園女弟女環春申君曰可得見乎明日使待

於離亭劉峻廣絕交論雞人始唱鶴蓋成陰高門旦開流

水接軫左思吳都賦或涌川而開墳劉逵注錢塘縣武林

水所出龍川故曰涌川案吳越以錢塘江為界故曰別岸

指龍川也露下蟬聲斷寒來雁影連如何溝水上悽斷聽離絃

四月八日題七級

魏收魏書釋老志初釋迦於四月八日夜從母右脅而生當周莊王

九年春秋魯莊公七年夏四月恆星不見夜明是也

又自洛中構白馬寺盛飾浮圖畫迹甚妙為四方式

凡宮坊制度猶依天竺舊狀而重構之從一級至三

五七九世人相承謂之浮圖或云佛圖案詩有香閣

俯龍川之句所題疑杭州靈隱山之浮圖也樂史太

平寰宇記江南東道杭州錢塘縣巨石山在縣南三

里郡國志云上有七層古塔王僧孺云巧絕人工山

北有落星二字存王十朋注蘇軾遊靈隱高峯塔詩

武林山記北高峯在靈隱寺後山山有塔記云唐天

寶中邑人建高七級案平集靈隱寺詩有捫蘿登塔

遠之句疑非
建於天寶也

化城分鳥堞香閣俯龍川

法華經佛告比邱當知如來方便深入衆生之性知其志樂小

法深著五欲爲是等故說於涅槃是人若聞則便信受譬

如五百由旬險難惡道有一導師善知險道通塞之相將

導衆人欲過此難至珍寶處所將人衆中道懈退白導師

言我等疲極前路猶遠今欲退還導師憫彼捨大珍寶以

方便力於險道中化作一城告衆人言汝莫退還今此大

城可於中止是時疲極之衆心大歡喜前入化城生安隱

想爾時導師知此人衆既得止息無復疲倦而滅化城語

衆人言寶所在近向者大城我所化作爲止息耳王融出

家善門須將安寶地誰畱化城鳥堞卽雉堞鮑照蕪城賦

是以板築雉堞之殷井幹烽櫓之勤李善注鄭孚周禮注

曰雉長二丈高一丈杜預左氏傳注曰堞女牆也維摩詰

所說經香積佛品第十其界一切皆以香作樓閣經行香

地苑園畱香其食香氣周流十方無量世界漢書地理志

南海郡龍川爲駱丞遊跡所不及集中送劉少府遊越州

詩云別岸指龍川其爲

杭州之龍川無疑也

複棟侵黃道重簷架紫烟

漢書天

有中道月有九行中道者黃道一曰光道張揖廣雅釋天
日月五星行黃道始營室東壁奎婁胃之陽入昴畢閒行
觜參之陰度東井與鬼行柳七星張翼軫之陰入角亢
閒貫氏房出心尾箕之陰入斗牽牛閒行須女虛危之陽
復至營室禮明堂位復廟重檐鄭康成注復廟重屋也重
檐重承壁材也孔穎達疏皇氏云重檐謂就外檐下壁復
安板檐以辟風雨之灑壁郭璞遊仙詩赤松臨上游駕鴻
乘紫烟李善注古白鴻頌曰茲亦耿介矯翮紫烟梁武帝
乾闥婆詩青城接銘書非晉代壁畫是梁年朱彞尊曰靈
隱寺晉咸和
丹霄金樓帶紫烟
初沙門慧理建前有飛來峯理公巖冷泉經其下巖上下
多鐫佛像土俗相傳謂是元僧揚璉真伽所鑿非也象教
自漢孝明帝時流入中國終漢之世凡宇內墓門石闕刻
鏤先聖賢孝子列女未有鐫及佛像者至晉始有之潛說
友撰臨安志在宋咸淳年志中載寺有梁簡文帝石像記
又據陸羽靈隱寺記稱理公巖慧理宴息其下有僧於巖
上周廻鐫小羅漢佛菩薩像審視厥狀戍削奇古霸畧今
望而知爲六代遺蹟要非吳越以後工人所鑿
何在王宮尙歸然史記孟嘗君列傳折秦之謀而絕其霸
彊之畧王延壽魯靈光殿賦序自西京

未央建章之殿皆見墮
二帝曾遊聖三卿是偶賢卿顏本作鄉今

據對本改○二帝三卿未詳般若經菩薩教化
品第三二賢十聖忍中行惟佛一人能獨全
因茲遊勝

侶超彼託良緣江總棲霞寺碑頌名僧宴息勝侶薰修隋

先生卓矣仙才飄然勝氣冀得虔受上法式建良緣謝我
靈運石壁立招提寺精舍詩良緣既未謝時運不可逝

出有爲界君登非想天善住意天子所問經卷上有爲行

序品第一爾時十號三明大滅締金剛智釋迦牟尼佛初
年月八日方坐十地入大寂室三昧思緣放大光明照三

界中復於頂上出千寶蓮花上至非想非非想天光亦復
爾大般涅槃經壽命品第一說我衆生壽命士夫梵天自

在天微塵世性戒定慧及與解脫非想非
非想天卽是涅槃實亦不能解脫涅槃
悠悠青曠裏蕩

蕩白雲前今日經行處曲音號蓋烟第四字蜀本闕此句恐有錯悞

寒夜獨坐遊子多懷簡知已

故鄉眇千里離憂積萬端

史記高祖本紀游子悲故鄉魏文帝與吳質書年行已長大所

懷萬端時有所慮至通夜不眠

鵲服長悲碎蝸廬未卜安

宅鵲服見寶六郎宅宴詩魏志管

幼安傳裴松之按魏畧云焦先及楊沛並作瓜牛廬止其中以為瓜當作蝸蝸牛螺蟲之有角者也俗或呼為黃犢

先等作圓舍形如蝸牛蔽故謂之蝸牛廬莊子曰有國於蝸之左角者曰觸氏有國於右角者曰蠻氏時相與爭地

而戰伏尸數萬逐北旬有五日而後反謂此物也

富鉤徒有想貧鋏為誰彈

搜神記京

兆長安有張氏獨處一室有鳩自外入止於林張氏祝曰鳩來為我禍也飛上承塵為我福也即入我懷鳩飛入懷

以手探之則不知鳩之所在而得一金鉤遂寶之柳秋風自是子孫漸富資財萬倍彈鋏見詠懷古意篇

秦肥荷曉露文團

晉書五行志楊者柔肥之木廣雅釋詁肥弱也陸雲芙蓉詩盈盈荷上露灼灼

如明珠謝朓京路夜發詩猶露曉露園李善注毛詩曰零露園兮

亂金叢岸菊餘佩下幽

蘭唐太宗秋日詩露凝千片玉菊散一叢金蘭佩見前

伐木傷心易維桑歸去難

伐木

維桑並見前
獨有孤明月時照客庭寒

冬日過故人任處士書齋

神交尙投漆虛室罷遊蘭

徐堅初學記人部袁宏山濤別傳曰陳畱阮籍譙國嵇康並高

才遠識少有悟其契者濤初不識一與相遇便爲神交古

詩十九首以膠投漆中誰能別離此李善注韓詩外傳子

夏曰實之與實如膠如漆君子不可不畱意也陸倕感知

已賦以膠投漆中離婁豈能識大戴禮曾子疾病篇與君

子遊苾乎如入芝蘭之室網積窗文亂苔深履迹殘陽慎

久而不聞則與之化矣網積窗文亂苔深履迹殘從駕

祀麓山廟詩牕幽細網合階靜落花明初學記草部廣志

曰空室無人行則生苔蘇庾肩吾詠長信宮中草詩全由

履迹少併雪明書帳冷水淨墨池寒李延壽南史范雲傳

起邵郎貧常映雪讀書清介交遊不雜晉書王羲之傳羲

之會與人書云張芝臨池學書池水盡黑使人耽之若是

未必後之也樂史太平寰宇記江南東道越州會稽縣獨

墨池王右軍洗硯池并舊宅在蕺山下去縣二里餘

此琴臺夜流水爲誰彈

月夜有懷簡諸同寮

寮一作病

閒庭落景盡疏簾夜月通

沈約郊居賦肇胥宇於朱方掩閒庭而宴息庾闡海賦映曉雲

而色暗照落景而俱紅劉孝綽望月有所思詩噓曉入牀簾髣髴鑑窗簾

山靈響自應水淨望

如空

劉楨述志賦信此山之多靈何神分之煌煌沈約八詠被褐守山東篇兩溪共一瀉水潔望如空棲

枝猶遶鵲遵渚未來鴻

遶鵲用遶樹三匝意見前詩幽風鴻飛遵渚謝瞻九日從宋公戲馬

臺集送孔令詩巢幕無畱燕遵渚有來鴻

可嘆高樓婦悲思杳難終

曹植七哀詩明月照

高樓流光正徘徊上有愁思婦悲歎有餘哀借問歎者誰言是客子妻

秋日送侯四得彈字

我畱安豹隱君去學鵬搏

豹隱見贈高四篇莊子逍遙遊鵬之徙於南冥也水擊三千里

持扶搖而上 歧路分襟易風雲促膝難陸衡答賈長淵詩
者九萬里 難陸匪贈任昉感知已賦車出 夕漲流波急秋山落日寒
門其已歡無論銜杯與促膝 唯有思歸引悽斷為君彈石崇思歸引序尋覽樂篇有思
制此曲此曲有絃無歌今為作歌辭以述余懷恨時無知
音者令造新聲而播於絲竹也李善注琴操思歸者衛女
之所作也欲歸不得心悲 憂傷援琴而歌作思歸引

送吳七遊蜀

日觀分齊壤星橋接蜀門

接一作抵○日觀見贈高四篇星橋即七星橋見疇昔篇當是

吳七由齊至蜀也

桃花嘶別路竹葉瀉離樽

已見前

夏盡蘭猶茂秋

新柳尚繁霧消山望迴風高野聽喧勞歌徒欲奏贈別竟

無言惟有當秋月空照野人園

盡一作老新一作深竟一作競○張正見別庾正員

詩惟有當秋月
夜夜上河橋

叙寄員半千

舊書文苑傳員半千本名餘慶晉州臨汾人少與齊州人何彥先同師事學士

王義方義方嘉重之嘗謂之曰五百年一賢足下當之矣因改名半千上元初應入科舉授武陟尉屬頻歲旱饑勸縣令殷子良開倉以賑貧餒子良不從會子良赴州半千便發倉粟懷州刺史郭齊宗大驚因而按之時黃門侍郎薛元超為河北道存撫使謂齊宗曰公百姓不能救之而使惠歸一尉豈不愧也遽令釋之尋又應嶽牧舉及對策擢為上第垂拱中累補左衛胄曹嗣聖元年為左衛長史宏文館直學士長安中五遷正諫大夫中宗時為濠州刺史睿宗即位徵拜太子右諭德累封平原郡公開元二年卒新書本傳員半千字榮期齊州全節人其先本彭城劉氏十世祖凝之事宋起部郎及齊受禪奔元魏以忠烈自比伍員因自姓員生而孤客晉州州舉童子房元齡異之對詔高第咸亨中上書不報調武陟尉俄舉岳牧既對策擢高第歷華原武功尉厭卑劇求為左衛胄曹參軍遷司賓寺主簿為學士半干事五君

有清白節卒年九十四董衡唐書釋音員王問切案
此詩首句云薄宦三河道及刀筆吏云云當是員爲
武陟尉時而
駱寄之也

薄宦三河道自負十餘年不應驚若厲祇爲直如弦

沈約與徐

勉書崎嶇薄宦事非爲己史記貨殖傳昔唐人都河東殷
人都河內周人都河南夫三河在天下之中若鼎足王者
所更居也元和郡縣志河北道懷州武陟縣本漢懷縣地
隋開皇十六年分修武縣置武陟縣屬殷州貞觀元年省
殷州屬懷州案武陟今隸河南懷慶府卽古河內之地故
云漢書高祖紀高祖乃心獨喜自負注應卽曰負恃也易
乾九三君子終日乾乾夕惕若厲无咎孔穎達疏若如也
厲危也言尋常憂懼恆如傾危乃得无咎淮南子人間訓
終日乾乾以陽動也夕惕若厲以陰息也漢書王莽傳引
易曰夕惕若厲張衡思予賦夕惕若厲以省愆也漢昭烈
帝上獻帝表寤寐永歎夕惕若厲案厲字絕句漢讀皆如
此朱子本義始以夕惕若爲句厲字連下讀也後漢書五
行志順帝之末京都童謠曰直坐歷山川險吁嗟陵谷遷
如弦死道邊曲如鉤反封侯

坐歷山川險吁嗟陵谷遷

長吟空抱膝短翮詎冲天

山川句言世路崎嶇奔馳備閱

蜀志諸葛亮傳裴松之注魏畧曰亮在荊州以建安初與
穎川石廣元徐元直汝南孟氏威等俱遊學三人務於精
熟而亮獨觀其大畧每晨夜從容抱膝長嘯吳越春秋
內傳王卽位三年不聽國政於是伍舉進諫曰有一大鳥
集楚國之庭三年不飛亦不鳴此何鳥也於是莊王曰此
鳥不飛飛則冲天不鳴鳴則驚人伍舉曰不飛不鳴將爲
射者所圖弦矢卒發魂歸滄海上望斷白雲前釣名勞拾
豈得冲天而驚人乎

紫隱迹自談予不學多能聖徒思鴻寶仙斯志良難已此

道豈徒然嗟爲刀筆吏恥從繩墨牽

楚辭招魂魂兮來歸去君之恆幹何爲兮

四方些韓非子說林下孔子謂弟子曰孰能導子西之釣
名也子貢曰賜也能乃導之不復疑也史記平津侯傳夫
以三公爲布被誠飾詐欲以釣名拾紫談玄並見贈高四
篇多能用論語文漢書楚元王傳向字子政本名更生上
復興神僊方術之事而淮南有枕中鴻寶苑祕書書言神
僊使鬼物爲金之術及鄒衍重道延命方世人莫見而更

生父德武帝時治淮南獄得其書更生幼而誦讀以爲奇
獻之案此以昇仙擬登位也史記蕭相國世家蕭相國何
於秦時爲刀筆吏漢書循吏傳朱邑入爲大司農是時張
敞爲膠東相與邑書曰直敞遠守劇郡馭於繩墨固亡奇
也雖有亦安所施案此二句疑指歧路情難狎人倫地本
半千擅發倉粟刺史見案事也

偏長揖謝時事獨往訪林泉寄言二三子生死不來旋陶潛

雜詩結廬在人境而無車馬喧問君何能爾心遠地自偏
言情紛歧路雖偶狎而必離地眷人倫本因偏而自得也
木集遊德州贈高四詩序曰大夫人在堂義須奉檄上廉
察使啓曰力農賤事未免東臯之勞反哺私情遽切南陔
之詠蓋志在奉母非圖榮利也左思詠史詩功成不受爵
長揖歸田廬莊子外篇在宥獨往獨來是謂獨有自歧路
以下六句皆臨海自謂也

秋日送別

寂寥心事晚搖落歲時秋

謝朓新亭渚別范零陵詩
心事俱已矣江上徒離憂共此

傷年髮相看惜去留

江總傷顧野王詩年髮兩如此傷心獨幾時

當歌應破涕

哀命返窮愁

魏武帝短歌行對酒當歌人生幾何劉琨答盧謐詩序時復相與舉觴對膝破涕為笑嚴

忌哀時命哀時命之不及古人兮夫何予生之不遇時史

記平原君列傳然虞卿非窮愁亦不能著書以自見於後

世別後能相憶東陵有故侯謝朓與江水曹至濱干戲詩

云別後能相憶東陵有故侯別後能相思何嗟異封壤東

陵故侯見贈高四篇

樂大夫挽歌詩五首

詩一作詞○舊書職官志御史臺大夫一員正三品龍朔改為

大司憲咸亨復為大夫李善文選注譙周法訓曰挽

歌者高帝召田橫至尸鄉自殺從者不敢哭而不勝

哀故為此歌

以寄哀音焉

可嘆浮生促吁嗟此路難

莊子外篇刻意其生若浮其死若休小爾雅廣訓鳥乎吁嗟也

吁嗟鳥乎也有所嘆美有所傷痛隨事有義也

陸機嘆逝賦瞻前軌之既覆知此路之良難

邱陵一起

恨言笑幾時歡

張揖廣雅釋詁邱陵冢也庾信傷心賦邱陵兮何忍能畱兮幾人詩衛風言笑晏晏

蕭索郊埏晚荒涼井徑寒

徑一作陁非○陸機感時賦悲夫冬之為氣亦何懽懽以蕭索

陶潛自祭文天寒夜長風氣蕭索案史記天官書蕭索輪

國本卿雲之狀後遂借為蕭森索盡之意陶潛自挽詩嚴

霜九月中送我出遠郊潘岳楊仲武誄龜筮既襲埏隧既

開李善注聲類曰埏墓隧也庾信慕容盛神道碑邑里蕭

索宅帷荒涼鮑照蕪城賦井徑滅兮邱壠殘李善誰當門

注周禮曰九夫為井又曰夫閒有遂遂上有徑

下客獨見有任安

史記衛將軍驃騎列傳大將軍青日退而驃騎日益貴舉大將軍故人門下多

去事驃騎輒得官爵唯任安不肯又田叔列傳褚先生曰

任安棗陽人也少孤貧困為人將車之長安其後乃為衛

將軍舍人居門下有詔召見

衛將軍舍人為益州刺史

蒿里誰家地松門何代邱

崔豹古今注音樂第三薤露蒿里並喪歌也出田橫門人橫自

殺門人傷之為之悲歌言人命如薤上之露易晞滅也亦

謂人死魂魄歸乎蒿里故有二章其一章曰薤上露何易

晞露晞明朝還復滋人死一去何時歸其二章曰蒿里誰
家地聚斂魂魄無賢愚鬼伯一何相催促人命不得久踟
躕至孝武時李延年乃分二章為二曲薤露送王公貴人
蒿里送士大夫庶人使挽柩者歌之世亦呼為挽歌也虞
炎奉和隋郡王經劉瓛墓下詩庭露已沾衣松門向蕭瑟
方言冢小者謂之塋大者謂之邱李善注曹大家東征賦
引春秋說題辭
百年三萬日一別幾千秋
沈炯長安還至
方山愴然自傷
曰邱者墓也
詩百年三萬日處處此傷情鮑照
返照寒無影窮泉凍不
升天行暫遊越萬里近別數千齡
流返照見夏日遊山家篇謝惠連
居然同物化何處欲藏
祭古冢文窮泉為塋聚壤成基
舟莊子外篇刻意聖人之生也天行其死也物化古詩十
九首奄忽隨物化榮名以為寶李善注化謂變化而死
也不忍斥言其死故言隨物而化也莊子內篇大宗師藏
舟於壑藏山於澤謂之固矣然而夜半有力者負之而走
昧者不知也

昔去梅笳發今來薤露晞彤駟朝帝闕丹旄背王畿

言樂
大夫

以事至京而遽逝也陳子良尙之回屬車響流水清笳轉
落梅褚亮和御史韋大夫喜霽之作白簡光朝幟彤駟出
禁中禮檀弓上綱練設旄鄧氏注綱練以練綱旌之杠此
旌葬乘車所建也旌之旒緇布廣充幅長尋曰旒爾雅說
旌旗曰素錦綢杠姚思廉梁書城郭猶疑是原陵稍覺非
劉顯傳白馬向郊丹旒背輦

城郭見遊紫霞觀篇孔穎達九京如可作千載與誰歸禮
檀弓疏原是墳墓之所

弓下文子曰是全要領以從先大夫於九京也鄭氏注晉
卿大夫之墓地在九原京蓋字之誤當爲原陸德明釋文
京音原下同下亦作原字是觀乎九原之原古本作京也
又趙文子與叔譽觀乎九原文子曰死者如可作也吾誰
與歸叔譽曰其陽處父乎文子曰行并植於晉國不沒其
身其知不足稱也其舅犯乎文子曰見利不顧其君其仁
不足稱也我則隨武子乎利其君不忘其身謀其身不遺
其友晉人謂文子知人孔穎達疏此處先世大夫死者既
衆假令生而可作起吾於衆大夫之內而誰最賢可以與
歸李惇曰晉卿大夫之墓地在九原猶漢晉都洛陽而稱
北邙也此二字自晉稱之方確原字作京京卽古原字今
人讀京作京音錯誤按康成注明言京蓋字之誤當爲原

則京非原字也此詩因
上句有原陵故曰九京

一旦先朝菌千秋掩夜臺

莊子內篇逍遙遊朝菌不知晦朔陸德明釋文菌其隕反司馬

云大芝也天陰生糞上見日則死一名日及故不知月之

終始也崔云糞上芝朝生暮死支遁云一名舜英潘尼云

木槿也簡文云歟生之芝也列子湯問篇朽壤之上有菌

芝者生於朝死於晦陸機挽歌按轡遵長薄送子長夜臺

青鳥新兆去白馬故人來

藝文類聚山部相豕書曰青鳥子稱山望之如卻月形或如覆

舟葬之出富貴山望之如雞栖葬之滅門山有重疊望之

如鼓吹樓葬之連州二千石風俗通青鳥氏漢有青鳥子

善數術案此條今本不載廣韻十五青注引之儀禮士喪

禮兆南北面鄭氏注兆域也所營之處郝敬曰兆猶初也

死者久宅初曰兆爾雅釋言兆域也郭璞注謂塋界廣雅

釋邱垧葬地也垧與兆同後漢書獨行傳范式字巨卿山

陽金鄉人也一名汜少游太學為諸生與汝南張邵為友

邵字平伯二人並告歸鄉里式仕郡為功曹後平伯寢疾

篤同郡郅君章殷子微晨夜省視之元伯臨盡嘆曰恨不

見吾死友壽而卒式忽夢見平伯平伯垂纓屣履而呼曰

巨卿吾以某日死當以爾時葬永歸黃泉子未我忘豈能
相及式恍然覺寤悲嘆泣下具告太守請往奔喪式未及
到而喪已發引既至壙將窆而柩不肯進其母撫之曰
伯豈有望邪遂停柩移時乃見有素車白馬號哭而來其
母望之曰是必范巨卿也巨卿既至叩喪言曰行矣乎伯
死生路異永從此辭會葬者千人咸爲揮淚式因執紼而
引柩於是乃前式遂畱止冢次爲修墳樹然後乃去楊炯
唐右將軍魏哲碑天道如何吞恨者多松風夜響薤露晨
歌秋月如練春雲似羅榮華滅復草露當春泣松風向暮
寒暑經過青鳥邱壠白馬山河草露當春泣松風向暮
哀沈炯歸魂賦泣霑襟而雜露悲微吟而帶風李延壽南
史梁元帝紀承聖三年在幽逼製詩四絕其三曰松風
侵曉哀霜寧知荒隴外弔鶴自徘徊廣雅釋邱壠冢也隴
霧當夜來寧知荒隴外弔鶴自徘徊與壠同劉峻注世說
賢媛篇引陶侃別傳曰母湛氏賢明有法訓及侃丁母憂
在墓下忽有二客來弔不哭而退儀服鮮異知非常人遣
隨視之但見雙鶴冲天而去

忽見泉臺路猶疑水鏡懸何如開白日非復覩青天朱子
奢文

德皇后挽歌今日泉臺路非是濯龍遊水鏡青天並見前
冬日宴篇西京雜記滕公駕至東都門馬嘶踟不肯前以
足跑地久之滕公使士卒掘馬所跑地入三尺得石槨滕
公以燭照之有銘焉乃以水洗其文文字皆古異左右莫
能知以問叔孫通通曰科斗書也以今文寫之曰佳城鬱
鬱三千年見白日吁嗟滕公居此室滕公曰天也吾死其
即安此乎死遂葬焉漢書夏侯嬰
傳初嬰為滕令奉車故號滕公
華表迎千歲幽局送百
年程雅問曰堯設誹謗之木何也答曰今之華表木也以
橫木交柱頭狀若花也形似桔槔交衢悉施焉或謂之表
木今西京謂之交午也顏延年還至梁城作木石局幽閨
黍苗延高墳魏文帝芙蓉池作遨遊快心意保
己終百年李善注養生經曰黃帝曰中壽百年獨嗟流水
引長掩伯牙絃波之雅引詳贈高四篇

丹陽刺史挽歌詩

新書地理志潤州丹陽郡丹陽本
曲阿武德二年以縣置雲州五年

日簡州八年州廢來屬天寶元年更名案潤州之改
丹陽郡係天寶年高宗時不得稱丹陽刺史通典州

郡門宣城郡宣州今理宣城縣秦屬鄣郡二漢為丹陽郡晉武帝分置宣城郡丹陽郡移於建康丹陽郡潤州今理丹徒縣秦為會稽郡二郡之境漢初為荊國後屬江都國武帝分屬丹陽會稽二郡地後漢為丹陽吳二郡之地晉元帝渡江都建業改丹陽太守為丹陽尹宋置南東海郡及南徐州大唐合舊丹陽南徐之地併為潤州或曰丹陽郡是丹陽名縣在天寶初丹陽之名郡則自晉移丹陽郡於建康而宣城名建康宣城未知孰是

百齡嗟倏忽一旦向山阿

庾信小園賦百齡倏忽光華今已晚陶潛挽歌死去何所道託

體同

山阿丹桂銷已盡青松哀更多

左思吳都賦丹桂灌叢漢武帝傷悼李夫人賦桂枝

落而銷亡沈約傷王融詩折風落迅羽流恨滿青松

薰風虛聽曲薤露反成歌

言善

養雅曲虛聞薤露易晞哀歌反奏也

自有藏舟處誰憐隙駟過

禮三年問將由夫修飾之

君子與則三年之喪二十五月而畢若駟之過隙鄭康成注駟之過隙喻疾也孔穎達疏駟馬峻疾空隙狹小以峻

路端每義

卷之三

三十二

疾而過狹小言急速之甚劉峻重答劉秣陵沼書雖隙駟
不留尺波電謝而秋菊春蘭英華靡絕李善注墨子曰人
之生乎地上無幾何也譬之猶駟而過郤也郤古隙字也
白琰湛淵靜語白駒過隙魏豹傳注白駒日景也或謂日
中之塵然莊子白駒過隙雖無明訓至於忽焉無異騏驎
之馳過隙也與夫禮記之若駟之過隙李斯之六驥過隙
隙不過喻日晷之疾如於一隙中窺馳馬非指爲日景爲塵也

惻愴桓山羽畱連棣萼篇廣雅釋詁惻愴悲也家語顏回
甚哀子曰回汝知此何哭對曰非但爲死者而已又有生
離別者也聞桓山之鳥生四子焉羽翼既成將分於四海
其母悲鳴而送之聲有似於此謂其往而不返也孔子使
人問哭者果曰父死家貧賣子以葬與之長決子曰回也
善於識音矣案桓山說苑辨物篇作完山俗作恒山非易
林稽旅難行畱連愁苦詩小雅常棣之華鄂不韡韡凡今
之人莫如兄弟傳常棣棣也鄂猶鄂鄂然言外發也箋云
承華者曰鄂不當作跗跗鄂足也鄂足得華之光明則韡
韡然興者喻弟以敬事兄兄以榮覆弟恩義之顯亦韡韡
然晉書孝友傳序心際則葉頽荆枝性合則華承棣萼束

替補白華詩白華未萼被於幽薄李善佳城非舊日京兆

注毛詩曰鄂不韡韡是鄂古通作萼也

卽新阡佳城見前挽詩注漢書游俠傳原涉字巨先涉父

賦斂送葬皆千萬以上及涉父死讓還南陽賻送繇是顯

名京師迺大治起冢舍周閣重門初帝時京兆尹曹氏葬

茂陵民謂其道爲京兆阡涉慕之迺買地開城郭三千歲

道立表署曰南陽阡人不肯從謂之原氏阡城郭三千歲

邱陵幾萬年惟餘松柏樹朝夕起寒烟梁昭明太子錦帶

千年之獨鶴暫還雞羣九萬里之孤鵬權潛燕侶西京雜

記杜子夏葬長安北四里臨終作文及死命刊石埋於墓

側墓前種松柏樹五株至今茂盛古詩十九首白楊何蕭

蕭松柏夾廣路李善注仲長子昌言曰古之葬者松柏梧

桐以識其墳也

短歌三獻曲長夜九泉臺初學記禮部挽歌詞又有長歌

短歌言壽命長短不可妄求禮

禮器三獻燭一獻孰鄭康成注三獻祭社稷五祀一獻

祭羣小祀也阮瑀七哀詩冥冥九泉室漫漫長夜臺此

室乎局掩何年白日開

潘岳世祖武皇帝誅龍輶卽定乎闕載局陸機大暮賦局幽戶以大

畢泝乎闕而長辭說文十二篇局外閉之荒郊疎古木寒

隧積陳芟獨此傷心地松聲薄暮來

任昉爲范尙書讓吏部封侯第一表閉門

荒郊再離寒暑周禮春官冢人及窆以度爲邱隧共喪之

寔器鄭康成注隧羨道也度邱與羨道廣袤所至賈公彥

疏案僖公二十五年左傳云晉文公請隧不許則天子有

隧諸侯已下有羨道隧道則上有負土謂若鄭莊公與母

掘地隧而相見者也羨道上無負土若然隧與羨別而鄭

云隧羨道者對則異散則通故鄭舉羨爲況也陰鏗行經

古墓詩迴墳由路毀荒隧受田侵潘岳懷舊賦陳芟被于

堂除舊圃化而爲薪李善注鄭予禮記注曰宿草陳根也

方言曰芟根也音皆陸機弔魏武帝文今乃傷心百年之

際興哀無情之地宋玉高唐賦不見其底虛聞松聲漢書

外戚傳戚夫人春且歌曰終日春薄暮常與死爲伍陸機

諫章行促促薄暮景疊疊鮮克禁李善注孔安國尙書傳

曰薄迫也

同張二詠雁

唼藻蒼江遠銜蘆紫塞長

文苑英華注滄江一作蒼梧非

藻斂翻帶餘霜謝朓和徐都曹出新亭渚詩結軫青郊路

迴瞰蒼江流淮南子修務訓夫雁順風以愛氣力銜蘆而

翔以備矰弋高誘注未秀曰蘆已秀曰葦矰弋繳銜所

以令繳不得截其翼也崔豹古今注都邑第二紫塞秦築

長城土色皆紫漢塞霧深迷曉景風急斷秋行非○梁簡

亦然故稱紫塞焉

文賦得隴坻雁初飛詩霧閣早相失沙明還共飛隴狹朝

聲聚風急暮行稀王胄送周員外充戍嶺表賦得雁詩行

斷由經箭聲

嘶為犯霜

陣照通宵月書封幾夜霜前見無復能鳴分

空知愧稻梁

莊子外篇山木莊子出於山舍於故人之家

能鳴其一不能鳴請奚殺主人曰殺不能鳴者盧謀贈劉

琨詩序在木闕不材之資處雁乏善鳴之分曹植離繳雁

賦飢食稻梁渴飲清流盧思道孤鴻賦終乃馴狎園庭棲

託池籩稻梁為惠恣其容與虞世南侍宴歸雁堂詩刷羽

同棲集懷恩愧稻梁楚辭九辨鳬雁
皆陵夫梁藻兮鳳愈飄翔而高舉

詠雪

龍雲玉葉上鶴雪瑞花新

晉書天文志越雲如龍蜀雲如

動王葉凍水疏金箭劉敬叔異苑晉太康二年冬大雪南

州人見二鶴言於橋下曰今寒不減堯崩年也庾信小園

賦鶴訝今年之雪宋書符瑞志大明五年正月戊午影亂

元日花雪降殿庭上以為瑞於是公卿並作花雪詩影亂

銅烏吹光銷玉馬津

銅烏見帝京篇元和郡縣志河南道滑州白馬縣白馬山在縣東北三十

四里開山圖曰有白馬羣行山上悲鳴則河決馳走則山

崩津與縣蓋取此山為名黎陽津一名白馬津在縣北三

十里鹿鳴城之西南隅酈食其說漢祖曰守白馬之津塞

飛狐之口謂此津也就對故曰玉馬言雪緣風影亂遇水

銷含輝明素篆隱迹表祥輪

周書儒林傳及青緇起焰素

論謂日也謝惠連雪

賦太陽曜不固其節幽蘭不可儼徒自繞陽春

謝惠連雪賦楚謠以

幽蘭儷曲李善注宋玉諷賦曰臣嘗行至主人獨有一女
置臣蘭房之中臣援琴而鼓之爲幽蘭白雪之曲賈逵曰
儷偶也

詠水

列名通地紀疏派合天津

左思蜀都賦地以四海爲紀晉書天文志天津九星橫河中一

日天漢一曰天江主四瀆津梁所以度神通四方波隨月

也唐太宗春日就海詩積流橫地紀疏派引天潢

色淨態逐桃花春漢書禮樂志郊祀歌月穆穆以金波顏師古注言月光穆穆若金之流波也何

遜望初月詩的的與沙淨豔豔逐波輕隋煬帝月夜觀星詩團團素月淨脩脩夕景清桃花見送郭少府篇照

霞如隱石映柳似沈鱗

唐太宗經破薛舉戰地詩浪霞穿水淨峯霧抱蓮昏水經注漸江水

篇山水東南流名爲紫溪中道夾水有紫色磐石石長百餘丈望之如朝霞又名此水爲赤瀨蓋以倒影在水故也

鮑照登廬山望石門詩瑤波逐月開霞石觸峯起陶宏景

答謝中書書曉霧將歇猿鳥亂鳴夕日欲頽沈鱗競躍

終當挹上善屬意淡交人

廣雅釋詁挹抒也老子上善若水水善利萬物而不爭處衆人

之所惡故幾於道王弼注人惡卑也莊子外篇山木且君子之交淡若水小人之交甘若醴君子淡以親小人甘以絕

詠塵灰

洛川流雅韻秦道擅苛威

曹植洛神賦凌波微步羅襪生塵史記李斯列傳李斯以書對

曰夫賢主者必且能全道而行督責之術者故商君之術刑棄灰於道者夫棄灰薄罪也而被刑重罰也彼惟明主爲能深督輕罪夫罪輕且督深而況有重罪乎故民不敢犯也聽歌梁上動應律管中飛

陸機擬東城一何高詩一唱萬夫呼再嘆梁塵飛李善注七畧曰漢興魯人虞公善雅歌發聲盡動梁上塵後漢書應律志候氣之法爲室三重戶閉塗墁必周密布緹縹室中以木爲案每律各一內庫外高從其方位加律其上以葭苴灰抑其內端案應而候之氣至者灰去其爲氣所動者其灰散人及風所動者其灰聚殿中候用玉律十二惟二

至乃候靈臺用竹律六十候日如其歷
揚雄太乎經乎瑩洽竹爲管室灰爲候
羽人衣藝文類聚草部抱朴子曰吳世有姚光者有火術
束荻累之因猛風燔之光端坐灰中振衣而起楚辭遠
遊仍羽人於丹邱兮畱不死之舊鄉注羽人飛仙也
願言心未翳終冀效輕微漢書食貨志夫珠玉金銀其爲物輕微易滅

玩初月

忌滿光先缺乘昏影暫流

暫一作漸。劉熙釋名釋天月缺也滿則缺也張正見薄帷鑒

明月詩窗外光恆薄帷中影暫流

自能明似鏡何用曲如鉤

西京雜記公孫乘爲月賦

其詞曰隱員巖而似鉤破修堞而分鏡

詠塵

淩波起羅襪含風染素衣別有知音調聞歌應自飛

羅襪見天

津橋上美人篇素衣見途中有懷篇古詩十九首不惜歌者苦但傷知音稀此用歌動梁塵事見前

詠照

寫月無芳桂照日有花菱

庾信鏡詩月生無有桂花開不逐春菱花見王昭君篇庾信鏡

賦臨水則池中月出照日則壁上菱生

不持光謝水翻將影學冰

劉綬照鏡賦階邊就

水盤中光映訝宿粉之猶調笑殘粧之不正庾信鏡詩光如一片水影照兩邊人梁簡文帝鏡詩如冰不見水似扇長含輝陳陸瓊長相思室冷鏡疑冰庭幽花似雪

挑燈杖

稟質非貪熱焦心豈憚熬

晏子外篇布唇枯舌焦心熱中方言熬火乾也說文十篇熬乾

煎也終知不自潤何處用脂膏

後漢書孔奮傳贊融請奮署議曹掾守姑臧長時姑臧稱

爲富邑每居縣者不盈數月輒至豐積奮在職四年財產無所增時天下未定士多不修節操而奮力行清潔爲衆

人所笑或目為身處脂膏
不能目自潤徒益苦辛耳

詠鵝雜言 時年七歲

鵝鵝曲項向天歌白毛浮綠水紅掌撥清波

蔡元度毛詩名物解鵝頸

如瘦鵝類如痛今鵝江東呼鴨長頭善鳴又喜轉旋其項故古之學書者法以動腕羲之好鵝者以此亦取其自然而有行列故聘禮曰出如舒雁左氏曰鄭翩願為鵝蓋舊說言江淮謂羣鵝旋飛為鵝井則鵝善旋飛盤薄霄漢與鵝之成列正異故陣法或願為鵝或願為鵝十子曰羊性淫而狠猪性卑而率鵝性頑而傲狗性險而出蓋鵝我首似傲故曰傲也名之曰鵝其謂是鵝按長頭陸佃埤雅釋鳥作長脰

餞鵝四得鐘字 案此詩亦見李嶠

生平何以樂斗酒夜相逢

古詩十九首斗酒相娛樂聊厚不為薄

曲終驚別

緒醉裏失愁容

史記司馬相如列傳曲終而奏雅江淹別賦故別雖一緒事乃萬族王筠昭明太子

哀冊文混哀音於簫
星朗懸秋漢風香入曙鐘
明一作月

大東疏楊泉物理論云星者元氣之英也漢水之精也氣

發而著精華浮上宛轉隨流名曰天河一日雲漢唐太宗

除夜詩冰消出鏡水梅散入風香庾肩吾明日臨溝水青

詠疏圃堂詩風長曙鐘近地遠洛城遙

山幾萬重
古白頭吟平生共城中何嘗斗酒會今日斗酒

參參兮
萬重

失題
案此詩亦送人之作舊誤連於餞駱四詩今別

為一首

甲第驅車入良宵秉燭遊
張衡西京賦北闕甲第當道直

善曰漢書曰贈霍光甲第一區音義曰有甲乙

次第故曰第也古詩晝短苦夜長何不秉燭遊人追竹林

會酒獻菊花秋
晉書嵇阮劉畢傳論嵇阮竹林之會劉畢

菊華舒時併採莖葉雜黍米釀之至來年九月九日始熟

就飲焉故謂之菊華酒庾信就蒲州刺史乞酒詩蒲城桑

葉落灞岸
菊花秋

霜吹飄無已
星河漫不流
重嗟歡賞地
翻召別

離憂